



**CL. V. Ioannis Wamesii, I. C. Celeberrimi, In Academia
Lovaniensi Antecessoris Primarii, Responsorum Sive
Consiliorum De Iure Pontificio Tomus ...**

Wamesius, Johannes

[S.l.], 1643

De sententia & re iudicata. Consilium CLXIV.

[urn:nbn:de:hbz:466:1-98691](https://nbn-resolving.org/urn:nbn:de:hbz:466:1-98691)

(à quorum repetitione abstinemus) quæ Actoris intentionem iustificent, & temeritatem executionis detegant; arbitramur nos subscripti V. I. Doctores pro parte Henrici Vlen iussu petitam esse redintegrationem factæ executionis, & inhibitionem ulterius.

De sententia & re judicata.

S V M M A R I U M.

Sententiæ executio, quæ nulla fuit.

1. Iud. eis factum est factum partis.
2. Scholaris in loco originis conveniri nequit.
3. Scholaris ad laicum tribunal vocari non potest.
4. Sententiæ à Iudice incompetente prolata verba enumerativa non probant.
5. Citatio non presumitur.
6. Citationis defectus annullat sententiam etiam pro absente latam.

CONSILIVM CLXIV.

IN causa, quæ per Reverendum D. Conservatorem decidenda est inter M. Arnoldum de la Chapelle Actorem, & Nicasium Petiti ac viduam Nicolai Leurion Reos, illud expendendum, num actione in factum teneantur Rei, quod Actori impedimentum præstiterint, quominus consequatur solutionem redditus controversi? Negant enim id Rei eo prætextu, quod in causam iudicati per apparitorem distractus sit hic reditus, quasi nihil sit quod eis imputari possit. Caterum cum factum Iudicis sit factum partis, l. si plus d. De evict. alibi in l. qua ratione §. ha quoque d. De acq. rer. dom. hoc est, is facile intelligatur, quo instante Iudex fecit, consequens est, ut factum ad instantiam dictæ viduæ ei quoque imputari debeat. Quemadmodum etiam in iurium nomine tenetur, cujus querela & petitione aliquis à magistratu casus est, l. sed si immo §. servus meus De immur. Quod hic potentius dici potest, ex eo, quod sententia, virtute cujus Rei præstendant dictum reditum in causam iudicati distractum, sit ipso iure nulla; idque ea ex causa, quod ab incompetente Iudice lata sit, l. 1. & fin. C. si quis à non competente iud. * Iudex enim originis vel incolatus in Clericum scholarem jus dicere non potest, cum is peculiarem suum Iudicem habeat, Auth. habita. C. Ne fil. pro patre: præsertim in alma Vniversitate Lovaniensi, quæ ex privilegio tam notoriam habet exemptionem, ut in tota hac Belgica à nemine dissimulari possit: quod privilegium cum habeat insertam clausulam irritantem, ultra jus commune longe potentius facit ad dictæ sententiæ nullitatem; & hoc quoque operatur, quod cum notorium & certum sit scholasticos non posse ad laicorum tribunaia evocari, gloss. in l. 2. §. 1. in verb. sciatur si quis in ius vocari non tenet, nihil obest Actori, quod vocatus coram Magistratu Tornacensi non comparuerit, l. fin. De iurisd. om. iud. & privilegium suum non allegaverit, d. l. 2. §. 1. Quamvis interim de vocatione seu citatione nihil omnino constet, etiamsi sententia citationis mentionem faciat: constat enim ex tenore sententiæ, latam eam

fuisse in Actorem huius causæ absentem; * quo casu comuni opinione receptum est, Alex. conf. 42. Viso processu. vol. 4. & conf. 123. Viso processu vol. 2. enumerativa verba, quæ sententiæ inferuntur, non probare. * Sed nec in dubio præsumptio assumenda, quod citatio verè præcesserit, ubi sententia est recens, hoc est ultra decem annos non lata; ut est in casu proposito: citatio enim est solemnitas extrinseca, ideoque præsumi non debet, Barr. & alij in auth. si quis in aliquo C. De eden. Canonisse in c. qui contra se probat. Ita ut inde aliud nullitatis vitium rursus constitui possit, cum ex eo consequatur eremodiciū nullum contrahi, nec in absentem sententiam ferri potuisse: t defectus enim citationis tam potens est & substantialis, ut sententia etiam in favorem absentis non citati lata ipso iure sit nulla, Barr. in l. ea que c. Quomodo & quando &c. & in l. si iuriso & ibi Alex. & Ias. de re iudic.

Cum itaque ex tenore sententiæ constet dictam viduam non potuisse huius causæ Actorem convenire ex synographis mense Iulio anno quinquagesimo tertio scriptis, post lapsum trium mensium, hoc est post octavam mensis Octobris tunc sequentis, intra quod tempus idem Actor matriculæ dictæ Vniversitatis inscriptus fuit, & continuo in eadem resedit, ut patet ex notula intitutionis, & attestazione non tantum Bedelli, sed etiam testium pro Actore productorum: consequens est, omnia medio tempore in causa civili contra Actorem Tornaci coram Magistratu seculari & illius auctoritate acta, ipso iure esse nulla, & per D. Conservatorem via canonica sanctionis revocanda, sic ut hic sufficiat constare reditum Actoris esse, & per Reos distractum fuisse.

De sententia & re judicata.

S V M M A R I U M.

Sententiæ executio quæ nulla fuit.

1. Sententia, quæ nulla fuit, executioni mandari non debet.
2. Executio male facta revocari debet.
3. Executor an de nullitate sententiæ cognoscat.
4. Monachus neque succedere neque in iudicio agere potest.
5. Contumacia non punitur amissione causæ, sed missione in bona.
6. Continuat quando censendus qui per illegitimum procuratorem comparet.
7. Possessor bonæ fidei an fructus perceptos & consumptos restituat.
8. Contumacia ficta non excedit fines veritatis.
9. Principis alienatio privilegiata est.
10. Sententia contra sententiam lata est nulla.
11. Sententiæ nullitas coram eo qui iudicavit proponi potest.

CONSILIVM CLXV.

IN causa seu actione iudicati, quam contra D. Gosw num van Raesfelt Reum proposuit

C c a

& in-